

ՎԵՐԱԴԱՐՁԵ՛Ք, ՀԱՌՐՈՒԹՅԻՆԵՐ

ԲԱՑ ՆԱՍԱԿ ՀԱՅՐԵՆԱԿԻՅՆԵՐԻՆ

Հարգելի հայրենակից, դու ապրում ես (քեզ դու-ով եմ դիմում հարազատի իրավունքով) քո հարազատ ծննդավայրից հարյուրավոր կիլոմետր հեռավորության վրա: Բայց չնայած այդ տարածությանը, հավատացած եմ, որ քո մեջ ամեն օր ու ամեն ժամ ապրում է կուսական անտառներով ու երկնքերակ ծաղիկներով ծածկված, զմրուխտե կանաչի մեջ թաղված քո հարազատ Դիզակի՝ Հայրության շրջանի, մրա հազարամյա սուսիների, անմահական ջրով «Խորը աղբյուրի», Դիզակայտի ու Սահունասարի, Կատարո վանքի ու Գոշավանքի, մի խոսքով՝ քո ծննդավայրի հանդեպ ունեցած անմարելի կարոտը:

Զհիշել մանկությանդ արահետները, պատանեկությունդ, համոզված եմ, չես կարող: Զհիշել քո երջանիկ աներկայի համար անհատակված հայրենակիցներիդ հիշատակին կանգնեցված հուշարձանը՝ մեր ժամանակակիցների անորոշ սրբավայրը, քո պապերի, անխապապերի աղոթարան փոքրիկ եկեղեցին, չես կարող: Մի՞թե հնարավոր է մոռանալ քեզ աշխարհում ընկալելու ընդունակություն աներկան դպրոցը, որոնցից առաջինը շրջանում հիմնադրվել էր մախկին վեհաշուք ծորում՝ Մեծմ Մաշտոցի կողմից և որոնցից շատերն այսօր փակվել են և փակվում են միայն մրա համար, որ դու և քեզ մեզ շատ շատերը լքել են հայրենիք՝ այնտեղ թողնելով ծեր ու միայնակ ծնողներին: Նրանց կողքին մտնում են ծորի, Ծամառի, Խծաբերդի, Դուդուկչիի, Մոխրեմեսի, Զրակուսի դպրոցները: Որդեկորույս մոր ողբ է հիշեցնում թաղաբանային ցուցանմուշներ դարձած Մյուքրոտարայի, Մելիք-ջանուհի, Քարագլխի, Սարեն շենի, Խրամաշուղի դպրոցական զանգերի ղողանջը: Ո՞նց կարելի է մոռանալ հայրենի օջախը, ծնողներին: Դու հեղվում ես, չգիտես, որ մրանք օգնության կարիք են գոյում:

Ցավալի է, որ այսօր այդ մասունքներն իրենց մեջ անթեղած օջախներից շատերի միայն ավերակներն են մնում, որ թիշեցնում է մորդ երկինք կարկատած դողդոջում ձեռքերը, բողոքը՝ ճակատագրի դեմ: Հավատացած եմ, որ այդ ամենի, գուցե մահ ամեն քար ու թփի, ամեն ծառ ու առվի կարոտը ոչ միայն չի մարում քո մեջ, այլ ամեն օր անհազ-

անում է: Թերևս դա է պատճառը, որ ժամանակ առ ժամանակ դու այցելում ես գյուղ, վայելում մրա բարիքները, երջանիկ անդորրը և էլ ավելի բորբոքված կարոտով մորից վերադառնում քո աղմկոտ քաղաքը, աչքերիդ մեջ տանելով հայրենի բնության հրաշալիքները, կամ գուցե կործանվող գյուղի ավերակների պատկերը:

Բայց մինչև ե՞րբ: Մինչև երբ պետք է ապրես «հացիվ»: Բավ է, սիրելիս: Բավ է օտարության մեջ դեգերես: Մի՞թե քիչ են դեգերել քո մախկինները: Մի՞թե քիչ են մրանք հիմնադրել իրենց անբնական վայրերը՝ մախկին պատկերով ու մախկին անունով, միայն «անոր» մախկիրով՝ Նոր Արեն, Նոր Բայազետ, Նոր Նախիջևան: Երեկ մախկնացող իր տուն ու տեղից, իր հայրենիքից զրկվել է հազարամյա բարբարոս ու արյունարբու թշնամին: Իսկ այսօր ի՞նչ «անբնական թշնամի է», որ քեզ պարտադրում է հեռանալ քո հայրական օջախից, լքել պապերիդ գերեզմանները, ապրել

այլ ավերում և անտարբերության սպասել, թե երբ վերջանալու է մրա կտրի են օտարները: Այն գիտակցությունը, որ դու պետք ես հայրենակիցներիդ, ինչ-որ գործ ես կատարում ի բարոյություն մրանց, հոգիդ մեծագույն բերկրանքով էլցնում: Ուրեմն արի: Ուրեմն վերադարձիր և շենացրու հայրենի գյուղը: Գիտեմ, հանգամանքների բերումով բոլորը չէ, որ կարող են վերադառնալ, բայց դու, եթե աշխատում ես գործարանում ու ֆարիկայում, դպրոցում կամ գյուղատնտեսության մեջ, եթե ապրում ես հանրակացարանում կամ վարձով տանը, եթե մասնագիտությունդ ու աշխատանքիդ բնույթը չեն խանգարում քեզ, ինչո՞ւ չվերադառնաս: Բոլոր վերադարձողներիդ համար այստեղ աշխատանք, կենսական նվազագույն պայմաններ կգտնվեն: Նոր տուն կառուցողներին, հայրական տղաներ վերադարձողներին կըտրամադրվեն հողամաս և շինանյութեր, ցանկացողներին՝ անասուններ և գյուղատնտեսական գործիքներ: Այժմ մայր

հայրենիքի օգնությամբ շրջանում իրագործվող Տրախտիկ-Խծաբերդ մայրուղու կառուցումը, կոնդենսատորների գործարանի, Հայճենապակու և շրջանի տարբեր գյուղերում հիմնադրվող Հայաստանի շատ գործարանների մասնաճյուղերի բացումը, մոր կողպերատիվների ստեղծումը մույմպես հնարավորություն կտան տեղավորվել աշխատանքի: Ծուրջ 14 ամիս է, ինչ քո հայրենակիցները, ողջ հայ ժողովուրդը ոտքի են ելել վճռելու Արցախ աշխարհը մայր Հայաստանին վերամիավորելու հարցը: Եթե երեկ պայքարի ձևերը միտինգները, գործադուլները, դասադուլները, վերադաս կուսակցական և խորհրդային մարմիններին բողոքի անմակերի ու հեռագրերի առաքումն էր, ապա այսօր դրանց գումարվել է պայքարի մի ձև ևս, ես կասեի ամենաարդյունավետը՝ արցախական աշխարհը հայաշատ դարձնելը և շենացնելը: Այսօր Հայաստանից և մեր երկրի տարբեր վայրերից շատերն են գալիս Դիզակ և մրա գյու-

ղերը: Նրանց շնորհիվ արդեն սկսվել է բանիցս թշնամիների կողմից հրո ճարակ դարձած ու վերջնականապես դատարկված Բինյաթլուի վերաբնակեցումը: Հայաստանից եկած բազմաթիվ մասնագետներ աշխատում են Մամեդադրում, Ծակուտում, Առաքույում, Աղաջաբեդում, Խծաբերդում, Տողում, Մեծ Թաղարում: Նրանք ստեղծում են կողպերատիվներ, հիմնադրում են հայկական գործարանների մասնաճյուղեր, աշխատում են որպես ուսուցիչներ ու տնտեսագետներ, որպես բժիշկներ ու ինժեներներ: Իսկական հայրենասիրությունը հենց սա է: Թող դաբար մնա բոլոր ընդունակ կուտը, ովքեր օգնում են շրջանի վերածնունդի գործին: Դու, սիրելի հայրենակից, ինչո՞ւ պետք է ամենամ մնաս հայրենաշեն ու սուրբ այս գործից: Ես գիտեմ, որ դժվար է տեղահանությունը, որ այն կապված է շատ անհարմարությունների, մյուսական վնասների հետ, բայց թող որ մի քիչ անեություն կրես, մի քիչ տանու տաս բարեկեցության հարցում, մի քիչ կորցնես աշխատավարձում, միայն թե դրանից շահի հայրենիքը, միայն թե կործանումից փրկվի քո հայրական օջախը, միայն թե մոռացումից փրկվեն քո պապերի մամուսապատ գերեզմանները:

Վերադարձիր, չես փոշմանի: Քեզ կհիշեն Արցախի երախտաբարտ սերունդները, քեզ կհիշի քո ժողովուրդը: Եղիք մրա արժանի զավակը, ձգտիր ամենակամոյն զոհել համուն հայրենայաց, ինչպես քո մախկինները Ավարադրում ու Սարդարապատում, ինչպես հայրենադարձ ժամանակակիցների, որոնցից շատերը թողնելով իրենց փառաշուք կյանքը Փարիզում և Ֆրեզնոյում, Հոտում ու Լիբանանում, գալիս են «ավելոյաց երկիր»՝ բավարարվելով ամենամնավագույնով: Հիրավի, իսկական հայրենասերները ոչ մի բանի առջև կանգ չեն առնում: Թե մի քիչ դու էլ խորը մտածես, կհավաքես իրերդ, կառնես ընտանիքդ և կվերադառնաս քո հայրենի գյուղը, որտեղ քեզ կրիմավորեն ուրախությամբ՝ աղ ու հացով:

Դե, ուրեմն, ի գործ, սիրելի հայրենակից:



Ինչ է լինելու վերջը. խորհում են կյանքի թռուրտով անցած արցախցի այս ծերունիները...

Լուսանկարը՝ Ռ. Համբարձումյանի

Հայրությունների անունից՝ Գրիշա ԲԱՂՅԱՆ Կուսըրջկոմի առաջին քարտուղար